

CORRIDO

QNG

bie nang queralandalanan

ABU-HASAN

O

Ing Macaguising á Mániñap




LIMBAGAN

NANG

Cornelio A. Pabalán Byron.

Baculud, Capampangan.

1914



CORRIDO

ONG BIE NANG QUERALANDALANAN

ABU-HASAN

O

ING MACAGUISING A MANINAP.

Minunang panaun y Harun-Alraschid
iniang Sultan ya pa't magcoronang tiquis
qñg labuad ning Bagdad ting linto meaquit
ya ing isalita at queco pagsulit.

Carin ting ulila cang ibpa nang matua
tansag Abu-Hasan ita ning laguu na
pablasa qñg dactal banding amana na
ing tula ning yatu buri ping tacma'na.

Aguiang macanian man quea pang pinitna
ba'yu na belayun ing dugal na't nasa
queang tatalaga ing mumunang dangca
banting gugula'na qñg payul na't gampa.

Itang caduang dangca pemaniali na nğan
miayaliuang labuad ampon paglaultan
maging abunga na quea ping sicapan
qñg ban é malubus alang pagcabiayan.

Pablasang y Abu quetang é ulila
é ne pepalayo ning mete ibpa na
inia qñg cau na buri ping tacma'na
ing tula ning yatung ali pa balu na.

Quea ping inucul atin yang panayan
at é magcasakit sacasacali man
bigla yang tinalbug tula ning catauan
meguing cacuyug na bina la ping dacal.

Lasa aldo aldo ting añaja'na
dacal á pamangan ing pigagasta'na
sarising alac pauang mayalaga
anti uaring danum qñg pamaninum da.

Ding cualta qñg sugal anti lang tutugtug
quetang selusuan dang darala'ning agus
ila ding cacabsi detang queang cuyug
taid de y Abu quetang pangalumud.

Mesabing cuyug na saria lang manutang
ding gamat nang Abu macaladlad noman
dapot é ra balu ing capamayaran
pamanugse cualta ala yang pasayang.

Ita mong malugud sinese matua na
qñg iquit nang iti inaus ne queta
lubus pamacamal penarala'na ya
ban mibalic á lub ita ning anac na.

Ing binte nang Abu ó indung gagalang
é mu casisindac alang nanu naman
ding cacung cacuyug é mo pajamacan
nung macalulu cu ing dumame la nğan.

At nung mipacanian binte nang indu na
marajil maliari mayayaquit sadia
sablang cacuyug mung cayabe talaga
pilit lang gumulut nung caluluna ca.

(3)

Ugali qñg yatu nung miragsa na ca
bijira yang cuyug ing lumunus queca
é na ca ibanġun bagcus sicara'na
qñg ba'cang milugmuc at lalung magdusa.

Iti nan ping Abu é ya mequiramdam
é na inaliua queang inugalian
angang é melaso bandi na meguisan
queti na na biclat queang panimanman.

Salamat na mu pin at queang pinitna
banding amana na qñg mete nang ibpa
at nung ali saba nanu man pin ala
á dit pang mitagan at meguisan sabla.

Iniang aucul nang ali na sublia'na
itang mengalabas á pamagtamasa
sabla nang cacuyug mengabating na la
anti rong tinabi't ning labuad liclac na.

Pablasang daca'la ding linto rang utang
ding maroc á taung queang caluguran
ya ping aisip na ing singila'no nġan
ing pamagcacie na saca na na bauiyan.

Qñg bale ning metung tiquis yang ine na
nasa neng singilan utang nang minuna
ali cu menutang binte ning cuyug na't
mangap pang y Abu é ne caquilala.

Bale ning aliua mine ya't migsundu
at mamauad saup 'abe na't catutu
pipiling ya buntuc é ya mangamanu't
paquibat ning pipi pasaquit qñg tau.

Qñg miliaring iti biclat nong mata na
pusu na menamdang canitang iquit na
inia miniabi ya masican guingcas na
mumutus qñg labuad ya pala ing cualta.

Saca ya sinumpa layu'nong inlagan
deta ning sinamba qñg quislap ning conant
ing dit á paglingap queang pasayanġan
qñg pamaquicuyug at yatung malaram.

At manginlag neman caretang babay
á mapanġalacal qñg ingat dang puri
qñg pamalsinta na lubus yang é sali
casumamia'na lang daig pa qñg buni.

Nun ting magministil aguiang macanian man
ing ninu ya pa man qñg queang caguiuan
lalu't nun itinan é ne cabalayan
é na pasayanġan mausta neng saupan.

Ing dapat á mayap pablasaug gaui na
caretang maluca ing mapaglimus ya
lalu nung ding bulag ampon salanta pa
daragdaga'na la dagul ning lunus na.

Ampon detang taung aliuang balayan
nung uari't ala lang sucat layunanan
canitang bale na agad nong aniajan
at pacana'na la ampon pang pagsilbian.

Y Harun-Alraschid qñg panaun á ita
qñg dagul na nasa at buing aquit na
sabra rang daraptan ding sasacupa'na
maralas qñg bengi ing pamanipa na.

Miblas yang imalan anti yang é Sultan
ilang apusa'na deta ning musulman
ing sabla nang gayac queang gagamitan
ding mamamagtindang aliuang balayan.

Saca ya lilibut quilub na niug ciudad
susubuca'na la qñg pamaquimatiag
ya mong cayabe na metung nang alagad
Mesrur ing laguiu na yaus da ding lat.

Qñg misan á betgi anting micatagun
nita ni nang Abu queang asalubung
inagad neng quitnan at memugue layun
at mequibat neman ing Sultan á Harun.

Uling ing gani na ning matas á Sultan
anting comercianteng aliuang balayan
nitimong y Abu queang inaniajan
ngana malaus ya bale nang tuenanġan.

Ita namang Sultan pablasang buri na
ing mapapaliari buri ping aquit na
malagua nang guingcas ing amanung ua
anti mong mepilit bagu yang nasa na.

Mipagsalita la quecaba ning dalan
abe re y Mesrur dane gugulutan
queti na ne quitnan ning Abu ing Sultan
insanung balayan queang penibatan.

Acu mercader cu qñg Musul menibat
at yang aguisinġan ibat pa qñg anac
maralas cung caque queti nan qñg Bagdad
ba'cung manaquitan ditac mu mang pilac.

Mitauli canacu ing dalang calacal
mecad anga bucas carin pamu datang
at nung é macanian ing canacung daptan
cacung salubunġan lual ning balayan.

Pequibat nang Abu nung macanian nġana
ing bucas nang abac salubunġan mu na
nġeni carampatan queti ca painaua
saca na ca maco mararalumdum pa.

Alang nanu-nanu miras la't mirantic
qġg bale nang Abu cayagnan deng menic
iniang milucluc ne qġg Sultan migsulit
nġana ó catutu é ca binang mainip.

Mecad mapun tana é binang mabalam
canining balac cu ti'na ca danupan
ali cu nġana mo ning matas á Sultan
dapot mepagal cu canitang lecaran.

Cang Abung pequibat macanian man nġana
mapun tamu pa mu bayu ca painaua
panġasabi niti agad inutus na
yapag dang apunan qġg ba'nang mangġanla.

Mitutulid la ping linucluc qġg dulang
ing pamagsalita ali ra tutucnang
pamaninum alac macanian mu naman
maragula tula alang pianganan.

Niti nan mong Sultan baquet caya nġana
inaniajan mu cung é mu caquilala
ing binte nang Abu iti ugali na
ding é tau queti agad ampanġan la.

(7)

Nung macanian n̄gana pequibat ning Sultan
ding cabalayan mu é mo pacamalan
ua n̄ganang Abu medalá cung tune
caring tampalasan meguing cálguran.

Selita na no pin miliaring minuna
ing sampat ning lub nang pepaquit careta-ng
binang tampalasan cacuyug nang sadia
ing cauauacasan á inablas da quea.

Nung mapaliari mu ing maguing Sultan cu
guian sang patin̄gapun ilang parusan cu
ba'lang é lulumo deta ninang lilu
at é ra na daptan q̄ng quenu mang tau.

Yan é maliuag ing binte ning Sultan
nupa uari manga ing quecang pagnasan
nun é cu sa lisia camamaranunan
mapaliari sanang cacu cang asaupan.

Aguiang macanian man queti cu mibalic
at acu q̄ng queca ablasan cung pilit
at q̄ng bague pa la cang Abung pigsulit
bucas pang̃a-abac ¿lisia na cang tiques?

Ua n̄gana pin mo ning matas á Sultan
itang calacal cu cacung salunsunan
nung matudtud cu mu ing cang Abung bingcal
queca yang ilapat ing pasbul q̄ng dalan.

Ua n̄ganing Sultan ita é maliuag
pasbul é masaquit isara't ilapat
ita nin malagua at sariang matupad
at pasalamat cu caniting ling̃asn̄gas.

Qñg miagcas á ita meili ya y Abu gueua neng malasing guingcas nang amanu é na na guenaca ing marajil lalto ing dapat á biru malaliaring tutu.

Qñg tula nang ita aisip ning Sultan qñg iti nang Abu quea yang pialungan inia ing dapat na lijim nang dininan copa nang catulid qñg pulbus ning apian.

Saca ne bilusan canita ning alac ing mesabing copa inabut neng agad ngana ó catutu at canacung liag ing quecang pagnasan ya ing matupad.

Cang Abu ing alac bigla nang inucue at é na uculan maquipacatudtud mecacabulad mu mebating ya lub dicu' neng buntuc na migdatun yang lubus.

Inia ping aquit ne ning mesabing Sultan itang alagad na inaus neng biglan ngana pin y Abu ibuat meng agaran queca yang idala qñg Palacio real.

Iti mong y Mesrur pisana'neng agad ita ning matudtud saca ne linacad anting é magdala queang pamamuat pablasang sadia ya magdalang mabayat.

Inia ping datang la qñg Palacio real inagad nang guingcas ning matas á Sultan icong sabla queti ing quecayung daptan ing taung itinan yausan yu yang Sultan.

(9)

Quetang imala'na agad pibablas de
qñg bordadong guintu á alang cayanti
saca re quinera qñg mulagang catre
ya ing cabas na ing Sultan á tune.

At inaus no nğan detang sablang Dama
pepaquilala ne itang pinialung na
bucas pang̃a-abac guisioğan ye nğana
at queco yang yapus qñg tune Monarca.

Cacu cong silipan ibat potang abac
nung iting yutus cu mamintu co't tupad
at nung miguising ne quea cong̃an marap
ning tau ping yan qñg Sultan tumulad.

Inaus nia naman ing Visir á mal
ing penabili'na macanian mu naman
ing sablang tungcul yung canacu daraptan
yang quea yu gauan pang̃acabucasan.

Binte ra qñg Sultan nğara nğan pin Ua
at ing bigung tau pamialunğan da ya
qñg daptan dang biru mipapatlalu la
pablasang ing Sultan pagumasda'na la.

Mararalumdum pa pang̃acabucasan
pablasang sadia rang daraptan qñg Sultan
cang Mesrur y Abu quea yang lepitan
malale guinising nğanang migpalambang.

O matas á Sultan á quecaming guinu
inalal nang Alah quetinan qñg yatu
miguising na ca pu pablasang ing aldo
macasicat na ya ati na yu babo.

Ati'na que queni at panayan da ca
manungue na ca ugala tang sadia
qñg pangatutud mu ing mibanğu'na ca
at ing dios Alah qñg ban purian ta ya.

Pangasabi niti deta ning oficial
ampon detang Dama linub lang agaran
ding sablang detinan quea lang imasdan
nitang mecasilip á tune rang Sultan.

Pablasang horas na ning pamanalangin
metung á oficial lepita'neng tambing
tin yang pepabáu tudtud na maimbing
qñg bagsic na niti agad yang mig-jaching.

Misdan ya y Abu bielat nong mata na
migmulala ya lub canitang iquit na
pablasang siping ne ing cetro't corona
at binang masanting itang susulud na.

Maulagang catre ing queang pagqueran
ala yang calupa guintu yang binuldan
sutlang *colgadura* ing pácasabit nğan
at macasilo ya ninu mang timanman.

At itang *alfombra* sutla nğan laganas
ating pacapinta mialiuang bulaclac
at saca ing banglu á carin cacalat
uling manibat pin canita ning asap.

Lele na ning catre macapatulug la
detang misnang lagu at docal á Dama
mipagtalan la nğan tunggal tungalan la
laud at cítara guitarra't banduria.

Quetang acaquit na anti yang masasdan
mabilug nang ucul qñg ita taguimpan
¿baquet maliari ya ampon maguing Sultan
qñg metung yang jamac tau qñg balayan?

Brgla yang linapit metung á alagad
nġanang mēġamanu at quea na guingcas
ing aldo pu Sultan ti'ne macasicat
pota ing pangadi mitauli qñg horas.

Canitang dimdam nang sinabi ra quea
qñg é pin paninap itang acaquit na
canitang miniabi nġaning pequibat na
jimalang itinan buring aquilala

Qñg pangatutud cu láguiung Abu-Hasan
¿baquet miguisng cu miliari cung Sultan?
iti yang marajil qñg encantong lalang
ó nun ali ca ya metung á taguimpan.

Binte ning alagad ó guinung Monarca
migmulala cami qñg quecang pepasia
ica pu ing tune at icang talaga
ing matas á Sultan inalal nang Alah.

Nun ya pin ing tutu cang Abung pequibat
ba'cung maniuala qñg ali paninap
ing metung quecayu quetan na cu gamat
nung matutud cu man miguisng cung agad.

Qñg utus á iti ing metung á Dama
pablasang balu nang sisilipa'na ya
ning tune rang Sultan mialung á talaga
taliri nang Abu biglang quinet na ya.

Ing queang cuculio n̄gana aray, aray
nitang bigung tanug carelang pialung̃an
q̄ng biling itinan itang tune Sultan
ing pamang̃aili na queang cacauatan.

Iting pamialung̃an inagad nang guingcas
macaguising cu pin q̄ng sica'ning queat
quetang sinabi yu meniualang lacuas
acu't é aliua ing Sultan á matas.

Y Mesrúr á pun da ding sablang alagad
caibat nang dinucu miniabi yang agad
Sultan á guinu mi queting meto ciudad
icang pigsarian da ding Consejos n̄gang lat.

Agad yang tiniedo iti nang bibiruan
detang sablang Dama tambing deng lepitan
a'ti nang mánimu at susucle naman
inapus deng tune q̄ng metung á Sultan.

Iniang mayari na detang sablang Dama
pupuri lang sabla q̄ng Sultan monarca
manigtigan la n̄gan ampon pang magcanta
sabian pang tula ra alang casimpara.

Saca re inatad bibiruan dang tau
layun pepalucluc q̄ng matas á trono
ali ya bubulad itinan ping Abu
ing jimalang ita é na apagsinu.

Y Giafar á Visir yang queang paniatang
tambing yang siniclod cang Abung arapan
at agad migsulit q̄ng matas á Sultan
a'ti quepu queni manayang utusan.

Pangasabi niti agad tinicdo la
aliuang Ministros pesipanlapit la
macanian mu naman itang pigsulit da
queting macatrono matas-á Sultan da.

Qñg iquit nang ita micacunu ya lub
itang macaguising á mipapatudtud.
qñg angang biru ra menioalang lubus
qñg iya't é aliua ing Sultan á bantug.

Itang Ministro ra deta ning ucuman
agad neng inaus layun inutusan
paracap na la ding micacaluguran
á apat á lilung queang picasaman.

Libutad ning Plaza agad yong idala
tambing yung ilaco ita ning baru ra
carin yo pisaupan at pamarugan pa
angang é dumaya itaning balat da.

Caibat dang mebarug isaque yong biglan
caring burrong apat ayat á catauan
saca yo ilibut quilub ning cayarian
qñg ban deting apat ba'rong panumisan.

Itang inutus na malaguang linacad
mesabing parusa ban marapat agad
qñg tune Sultan da tambing yang minarap
queang isanguni nung sucat yang tupad.

Ing pequibat na Ua ning tune rang Sultan
pablasang binie cu sablang cayupayan
qñg utus nang Abu ing alang salangsang
angang ing corona queang puputungan.

Minaus ne naman penandit mung ditac ing bibirung Sultan ting cetro qñg gamat y Giafar á Visir linapit yang agad itang yuyutus na ba'nang atalastas.

Nñeni mu rin nñana ing guingcas nang Abu queca yang daquitan itang Tesorero at quea mu sabian ing marap ya cacu at antin yang yutus ing Sultan yung guinu.

Itang Tesorero tambing yang minarap niti nan ping Abu inutus nang agad qñg pangatlung dalan ning quecatang ciudad ing indu nang Abu queca yang atucias.

Libung onzang guintu ing quea mu dalan nñã mu papatad no ning matas á Sultan pablasang y Abu á anac nang irang cacaluguran ya't binang pacamalan.

Itang miutusan queti ne linacad ing indu nang Abu penintu'neng agad quea ya ping iquit é naman meliuag ing utus ning Sultan malaguang metupad.

Maepenandit mu yang paniatang na ning Ministrong ucum qñg Plaza ibat ya at canitang Abu tambing minarap ya nñana ping migsulit guinu cu damdam ca.

Ing queca pung utus ó matas á Sultan atuparan cu pu at ali mebalam detang taung lilu lunu la catauan ing sugat da't láte ali pu mabilang.

Ning bibirung Sultan salamat ngana mo
 guinuliac la uare deta ning palalo?
 binte ning Ministro macapangaclac pu
 lalu na qng baruq daya rang tinulu.

Macanian ing sucat guingcas ning Monarca
 á manapat daptan caring palamara
 ing mayap á lub pepaquit carela
 yang inablas da ing capusungan da.

Sabla-sablang bilin iniang mayari ngan
 cang Abu y Mesrur linapit yang biglan
 ngana ó Monarca á quequeng gagalang
 maca-horas na pu ita ning pamangan.

Ing bibirung Sultan agad tiniclo ya
 qng matas á trono á lulueluca'na
 at canitang Mesrur tinuqui ya quea
 pablasang qng iya man anting danupan ya.

Canitang *comedor* miras la't dinatang
 detang sablang Dama tiniclo lang biglan
 sabian pang tula ra alang cayanganan
 quetang bibiruan da á carin dinatang.

Pablasang ding sabla pauang malagula
 calugudlugud la ngeni nang lauan la
 ing lub nang Abu biglang sinira ra
 canitang linang dang iquit na carela.

Lalu na inia ping migcanta lang miagnan
 pamataniran de ing matas á Sultan
 ita ning danup na queang acalinguan
 anti yang quinabsi é ya paman mengán.

Ing metung carela tambing yang linapit
metung ya ping Dama at nġanang migsulit
mang'a'na ca pa pu ó Monarcang lauit
cabang titigtig que ampon pang daralit.

E cu macapangan ing binte nang Abu
á nung icong sabla é ra co casulu
ing binte ning Dama ó Monarcang guinu
alang pangasira ing mal á utus mu.

Damang pequisabian inaus nong-agad
detang cayabe na.layun pepabatas
ing caya'dua'na ning Sultan á matas
qŋg mal á aniaya paua lang tinupad.

Migcacanuari lang maquisulung miagnan
detang sablang Dama qŋg matas á Sultan
dapot pigsilbian de carelang depatan
quetang sablang bague ita ning mamangan.

Aliua babie ra cang Abu ing alac
ding aliua naman ulam á mang'ayap
at ating pepepe at maquisabing tapat
quetang bibiruan dang á Sultan á matas.

Ita ning bibiruan é na balung daptan
dagul ning tula nang é na sucat sabian
qŋg miliaring iti é man mecapangan
anti ya mong mibsi mamataja'no nġan.

Yang aisip na ing pangutna'na la
ing laguiu ra't bansag detang sablang Dama
binte na ning metung ing cacu yaus da
Tala na ning abac ding sabla baluan da.

Agad yang miniabi ita ning catau
Sulu na ning Banua ng̃ara mo canacu
itang metung naman ó Sultan cung guinu
ing *Coral á asbuc* ya pin ing laguiu cu

Nitang metung naman ing bansag cu ng̃ana
ing canacung laguiu *Ligaya ning sinta*
at ing metung naman inagad pisiag na
ya pu ing laguiu cu *Mabanglung sampaga*.

Mipamulala ya iting maquiramdā
quetang sinabi ra q̃ng laguiu rang bingcal
ing bibiruan dia mu é na inuculan
inia migsulit ya ng̃ana carela ng̃an.

Puang macayuyut laguiu yung darala
q̃ng pusung maninap migapus q̃ng sinta
yang quecong leguan pang̃adua ning banua
at ing ninu pa mang macaquit talaga

Ng̃ana mo ning metung nung ya nin tutu
ó matas á Sultan é cu pu bibiru
baquet pu quecami é ca mamili pu
ban ting cayabe mu at maguing cásundu.

Q̃ng pisiag nang ita ing binte nang Abu
salauayan cu lub q̃ng pamamili cu
quening sintang cumpit bálana icayu
nung ninu ing bisa at tangap canacu.

Acu ng̃aring sabla miagnan ng̃ang guincas da
acung pinili na ning Sultan monarca
sabian pa case ing pang̃agulu ra
detaning queraclan memicatsang Dama.

Picullutan da ne ita ning bibiruan
at mipaticdo ya silla nang luelucan
itang macasilip á tune ping Sultan
canitang tula na é na apiguilan.

Mepilit yang guingcas niting Abu n̄gana
caretang megulung mangalagung Dama
ibili yu na cu icong parapara
at queco n̄gang sabla ting cumpit cung sinta.

Binili re queta iting Abu naman
detang mapamirung Damang tampalasan
dapot menasaquit sabla nang catauan
q̄ng dacal á candut á é mu abilang.

Itang maquilaguiung Tala na ning abac
caniti nang Abu linapit yang agad
itang guitung copa tala'ne q̄ng gamat
yang macalaman mayalagang alac.

Ing mesabing alac seria neng dininan
quetang pacatudtud á pulbus ning apian
quea na dinaun saring calambing̃an
caniti nang Abung carelang bibiruan.

Niti nan mong Abu ininum nang agad
é na inuculan tin samut ing alac
mematucba ne pin buntuc na mebayat
é naman mebalam bigla yang melacac.

Yana ing paglual na ning tune rang Sultan
ing paman̄gaili na é na apiguilan
itang biniru ra queang pegumasdan
canita ning sillon macaparalampang.

Bigla yang minaus caretang alagad
ita ning malacac quea yang pepabuat
at ing susulud na layun pepalucas
sadia nang imalan inaliling agad.

At itang Mesrur yang mitunġulan
paniatang ning bengi á binang malalam
qñg iting y Abu yuli reng marapal
quetang picuanan dang bale nang tucnangġan.

Inia ping mabengġi tiparan dang agad
itang inutus na ning Sultan á matas
at iting salita carin ta ilipat
canitang pinialung matudtud malacac.

Ing tula't ligaya paua nġang dinalan
cabas ning panaun é ta apiguilan
anti mo y Abu queang queralanan
qñg pangġa-guising na pangġa-cabucasan.

Iniang imulat no ding adua nang mata
pablasa qñg silid mararalumdum pa
sadia nang tucnagan é na aquilala
balána ning tau qñg Palacio atiu pa.

Guinulisac ne pin at mamaus Dama
!Tala na ning abac! nu carin ca nġana
iniang é mequibat miuman minaus ya
qñg lalung sicanan guliac nang minuna.

Macaquera ya mu indu nang ibatan
misdan ya't miguising guliac nang masican
ine ne y Abu at inagad quitnan
itang cucullo na nanu casangcanan.

Canacu yang yáusan ing binte nang Abu
ing lalung malagu caretang Dama cu
ing calulung matua ucul na megulu
quetang pequibat nang alang pun at sepu.

Baquet qñg sabi mu pisiag nang indu na
á ica atin cang malinang á Dama
Sultan ca mo vari at tune Monarca
queang daraptan mu pagmulalan da ca.

Bigung macaguising maninap yang tune
megulu ya ucul at anting mejibang
paquibat á ita biglang micalatang
é ne aquilala indu nang ibatan.

Matua mabating ca at lisia ca nãana
qñg cacung arapan mapanucsung Bruja
baquet mengãngas ca qñg quecang Monarca
quea'ning insac mu é na tinacut ca.

Qñg pisiag nang iting calapastangnan
itang bigung indu ing lua na mical
inucula'na na ing anac nang irang.
mesira ya buntuc balana yang Sultan.

Inia malume ya at linapit agad
at págumasda'na ya ing bugtung nang anac
lalu ya pang mimua queting queang depat
ning macaguising á lubus máninap.

Gugulisac ya pin cucullo masican
itang é malagnat á anting mejibang
nu co carin nãana ó pili cung caual
at ining marauac baquet é ye daepan.

Pablasang ala pin metung mang linapit
iti nang y Abu tiniedo yang pilit
indu nang tatacut biglang mengulait
ding siping dang bale inagad lang menic.

Ing bigung y Abu pisasaupan da ya
binang macatacut dagul ding mata na
asupil dia mu rin uli ning daca'la
layun da lang telian ding gamat bitis na.

Ucul da ding sabla tune yang mamulang
itang pinialung dang sira capalaran
iniang aquit da pin é miquilus dit man
inagad misubli mebating dang tapang.

Ting siping dang bale qñg indu quitang na
ing sanca'na't bague ning pangamulang na
ngara ding aliua mecad dinanup ya
yang meguing dalan qñg pangacania'na.

Binte na ning indu mecad é macanian
é ya pa meranup aguia mang capilan
yang uculan cung miliaring iti nan
ing pamalsinta na ya galang ing sangcan.

Quetang pisabi ra lacuas yang memuangit
ing bigung y Abu gapus na matalic
inia mebigla yang mequibat mapilit
gapus cu ilaco qñg bayu nang aquit

Ali cu mamulang acung quecong Sultan
pun dang tutuquian ding sablang musulman
y Harum Alraschid ing laguiu cu naman
á alang capante Monarcang gagalang.

Sablang mecaramdam meili la ping lat
binang macara'yu itang queang guingcas
ngara mamulang ya amanu nang matas
ning bigung y Abung quinulang á palad.

Dapot nung qng bague binte nang indu na
qng sablang miliari migmulala cu pa
libu la ping onza ding cacu binie na
á guintung dalise ning Sultan Monarca.

Peparusa'na la napun mu rin naman
ding apat á lilung queang caluguran
at iquit yu noman queti ro dinalan
pablasang utus na ning matas á Sultan.

Iniang damdama'na nitang guinapus da
sablang atiu carin lacuas pang mimua ya
maniuala cayu canitang mipasia
y Harun-Alraschid acung tune ngana.

Canitang miagcas queilian da ne naman
ing inuculan dang bitasang mamulang
ing pacacalulu lacuas deng milangan
marayung marayu maliari cang Sultan.

Maragul ya mua canitang mipasiag
ing bigung y Abu tiniedo yang agad
pamagcapilit na gapus na mapatad
miparagsa ya pin migbalabaligtad.

Qng dagul ning inge qng tula rang dactal
deta ning justicia agad dong penican
iniang aquit da na itang casancangan
bigla ra neng dela ing bigung mamulang.

Metung á hospicio carin da ne dela
deta ning dinacap mipauang justicia
ali ra picabiang quiac nang indu na
at pamaquisabing lacuan da ne sana.

Mesabing hospicio miras ya't dinantie
ing bigung mamulang macataling lubid
quelagan de gapus inalilan tiquis
quetang talicala qñg asu pinaris.

Saca re inurud tuntuc na quinantu
Sultan á bibiru á bigung y Abu
abac gatpanapun ing queang oficio
mamucpuc yang bunut at manibag batu.

Pablasa casi sang bilang nang quemulang
ing matas á Sultan é re nanan balang
inaus da quea *along cetrong Sultan*
detang cayabe na á maldang mamulang.

Bina yang memalgang ampon pang meyayat
ning bigung y Abu qñg dusa nang tingap
culang ya qñg tudtud qñg pamangan lacuas
itang cataua'na butul namu't balat.

Indat dalaua'ne indu nang ibatan
dusa ning anac na queang pagumasdan
dagul ning lunus na quiac nia mu misan
at paquisabi ne gueua rang mamulang.

E na sa sasabian ampon calingua'na
qñg queang uculan qñg iya Sultan ya
at bibitasa'na nung ya ing dapta'na
agad deng ipalual qñg pangasucul na.

Y Abu binte na nun é cu sa Sultan
¿ninung peparusa caring cáluguran?
¿ninung minie queca caring onza naman?
nun é pin mo acung gueua yung mamulang.

Pota naman galang pisiag nang indu na
taung pepacan mu pemamialung na ca
pablasang qñg ita é me caquilala
camamaranunan bigla ping meco ya.

Magcuculam ya pin ita ing queraclan
yang pignasa'na at buring pialungān
guilua'na ca buntuc ampon pemiraitnan
ba'cang maniuala ing tune cang Sultan.

Canitang guingcas na ning matuang indu na
niti nan mong Abu yang aganaca na
marajil pin tutu ing magcuculam ya
yang quinulam cacu itang palamara.

O ing cacung bilin ali ya tinupad
ing pasbul qñg dalan ali ne linapat
at meco nia cabud licua'na nia't sucāt
ing demonio naman mipalub yang agad.

Ing lilung demonio ing marajil nḡana
ya ing macalub canitang buntuc na
iti ing guinulu qñg caucula'na
at itang é tutu ing peniuala'na.

Inia mengacu yang é na na ulitan
itang mepaliaring anting panaguimpan
queang pangā-Sultan é na na banguitan
ba'ra neng é yausan at yapus mamulang.

Nita mong indu na nung macanian nḡana
yang pilubluban mu lubus tiuase na
canitang *Director* maquiquit cu quea
at yang pagsulit cu ing masalese na ca.

Canitang *Director* mine ya't minarap
at ing sinabi na á ing queang anac
masalese ne pu at tutu neng mayap
carin qṅg hospicio palual na neng agad.

Pablasang ding sabla carin macabante
pepatutu la nḡan mayap ne ping tune
at y Abu naman pepapalual na ne
mirina'neng tulut ing minuli ne bale.

Migmula na quetang uculan da quea
detang maldang tau qṅg ya mamulang ya
jalus é na buring miuman damdaman pa
ing pamagbansag nang Sultan á monarca.

Bitasang mialiaa queang caugalian
qṅg nanu mang bague alang gaganacan
magdilidili ya mung magmain nung misan
ninu mang aquit na ali ne sicasuan.

Ing pamagsalita ya ing balican
y Harun-Alraschid maraṅal á Sultan
miliari cang Abu queang abalitan
migmula na quetang yausan deng mamulang.

Lingcas ing lunus na quetang pinialung na
binang misaquitan canitang biru na
inia inucul nang ablasa'na na ya
sabla nang piacu pauang bayara'na.

Ing mesabing Sultan queti ya linacad
ing calulung Abu ing nasa na't agap
yang cayabe na sadia nang alagad
ing seriang ine ra ing lual na ning ciudad.

Iniang quetang tete malapit nong datang
ting metung á tau carin de amatan
macalucuc ya pin canitang guyabnan
catulid ning ilug á binang malamam.

At macarungdung ya ita ning buntuc na
canitang asque na anting malungcut ya
ning Sultan ing tau aquilala na ya
ya't é aliua itang biniru na.

Ning Sultan caniti agad neng telanan
iti nang y Abu mebigla ya't misdan
ditac nia mebaldug nun é ne atalan
canita ning ilug ing bie na milamang.

Iniang mimasmas ne quea yang quilala
ing taung miniru ing mercader pa la
sabian pa ing mua na alang casimpara
nun é sa y Mesrur atampaling na ya.

Ica ing mercader nãaning queang bingcal
qñg canacung bale mequipanlayunan
ing utang mung lub quecang inablasan
qñg lalung maragul á cadalamjatian.

Ing bilin cu queca nun uari't lisia ca
ing pasbul qñg dalan ilapat me sana
at macabuclat yang licuan mung talaga
ya ing mipalub demoniong maraŋga.

Bigla yang mipalub canining buntu'cu
qñg canacung ucul ya ing guinulu
cacung peniualan ing meguing Sultan cu
bagu pa la acung mistulang melocu.

Canitang hospicio carin da cu dela
bitasang mamulang cacu ra pinara
at é na cu milual angang nñeni sana
nun é cu sinabing é na cu Monarca.

Meili ya ing Sultan cang Abung pigsulit
maragul ya mua dinapat á suquib
at quetang pali na ban milaco tiquis
amanung malambut ing queang guinamit.

O cacaluguran nñana mo ning Sultan
mipamulala cu quetang quecang bingcal
marayung maliari ing bague á yan.
é ing demonio maquicasalanan.

Marajil ing alac á quecang ininum
yang mecasangcan caniang quecang ucul
at quetang lasing mu aisip mu layun
á ica ing Sultan at Monarcaug pun.

E ing calasingan nñanang Abu naman
at masalese cu iniang maguing Sultan
inia detang apat meguing caluguran
pepabarug cu la layun peparusan.

Baquet y indu cu nun é tutu sana
quea lang atangap cacung peparala
qñg Tesorero cu detang libung onza
nun é cu sa Sultan nu co cuanan deta.

Nung macanian n̄gana ing queaug pequibat anti mu nang báyard q̄ng lasa mu't sindac at ing quecang nasa paua n̄gang metupad peparusan mu la deta ning migsucab.

Aliua ing pasbul gagauan mung sangcan q̄ng pangabuclat na cacu yang quelinguan quetang paglaco cung camamaranunan detang libung onza ilang cabayaran.

Inia sa't n̄geni nan malunus ca cacu á nung sucat cu pang tuquing pasibayu at nung maliari pang pacanan mu cu q̄ng ba'sang maulu ini nang danup cu.

N̄gana mo ning Abu queting casabi na aguiang ting dit pang mua depat mung minuna ninu mang danupan ali cu abata é cu apagcait ing é pacanan ya.

Canitang bale cu tuqui ca n̄geninan ban ing danup mu mapauing agaran ing maguing ablas na á cacung yayaduan queca yang isima ing pasbul q̄ng dalan.

Linacad no queta q̄ng bale tinuru ing mapamacalulu at tiualang y Abu maragul ya tula é mu mamagcanu y Harun-Alraschid mapamirung tau.

Q̄ng bale nang Abu inia ping miras la agad dang liclucan canan q̄ng lamesa at canitang alac mipaninum na la at quetang queluatan melasing. lang adua.

Dapot queting Mesrur ting bilin nang licuan
ning matas á Sultan qñg sabla nang daptan
ing copa nang Abu ing bigla neng dinan
quetang pacatutud á pulbus ning apian.

Mapepenandit mu y Abu canita
mematucba ne pin at mipatutud ya
inagad neng biuat at layun tinipa
ing Sultan cang Mesrur carin ya gulut na.

Iniang datang na la qñg real Palacio
quinera neng agad qñg catre y Abu
minutus yang miuman ing Sultan dang guinu
sablang atiu carin nãanang mengãmanu.

Niti nang matutud cabud caguising na
daptan yu pin quea gueua yung minuna
at mipasibayung pamialungãan yu ya
ya ing pamintuan yung matas á Monarca.

Sabla pequibat da ing Ua qñg Sultan
pablasang nasa ra ing atin lang cailian
queti ra na sidia sablang cabagayan
qñg pamamiru ra sucat dang gamitan.

Pangã-galingãaldo migsaria yang tiquis
iti nang y Mesrur malaguang linapit
pisiag nang masican nãana ping migsulit
miguising na ca pu Monarca ming lauit.

Biclat nong mata na nitang guiguisingãan
pablasang dimdam na aus á masican
iniang mibangũ'ne queang aumasdan
tiu qñg Palacio mesindac yang biglan.

Iti nan paninap n̄gana ning pisiag na
cacu bisang mulit miliaring minuna
é na cu tiuala at ya ring cabas na
ning minie pasaquit cacu pepalasa.

Ing tau nabenging mequipanlayunan
mercader á lilu queang inulitan
é nia naman sera ing pasbul q̄ng dalam
talagang nasa nang buri na cung biruan.

At inia pin n̄geni ing sucut daptan cu
anti mong matudtud magcacanuari cu
aguiang é cu manḡan é na cu man tiedo
matusu ya mu rin ing lilung demonio.

Q̄z iquit nang Mesrur tudtud na matalic
niti nang bibiruan é ya meligalig
dane catumbanan malále linapit
miuman'neng guinising n̄gana ring migsulit.

Maca-horas na pu ó matas á Sultan
sadiang pamiban̄gun ampon caugalian
detang sablang Dama ta'ra ca panayan
at darala ra pu ing quecang piblasan.

Cabud na aramd̄am itang lagiung Dama
ati'no n̄gang sabla yang panayan da
metula ya pusu buring aquit na ya
ing *Tala ning abac á tune* sinta na.

Mata nang macapiac biclat nong agaran
itang palsinta'na quea yang paintunan
inia ping aquit ne ing tula na sacdal
quetang pagquera'na tiniedo yang biglan.

Detang sablang Dama miagnan lang magcanta
pamataniran de ing Sultan monarca
dapot iting Abu anting tatacut ya-ng
miuman pang mamulang at misaquitán pa.

Inia miniabi ya caretang macarap
qñg ba'cung é yapus qñg iti paninap
yang cumet cacu ing *Tala ning abac*
nung manasaquit cu cacung atalastas.

Pangasabi niti quinet neng agaran
ning *Tala* y Abu pecasicansican
qñg saquit ning queat na sinio yang masican
macaguising cu pin jaray, aray, aray!

Qñg ba'lang é maili detang sablang Dama
memagcanta no nğan ampon teterac pa
niti nang bibiruan inia ping aquit na
tinerac ya naman carela minara.

Cabang mimindac ya gagcas nang masican
ilang cabas tamu ding tune mamulang
é yu cu atauli queting cabagayan
nun é marajil pang cacu cong labisan.

Qñg pamamindac na at pamagsapatia
sablang atiu carin bina lanng matula
nung misan lucsu ya at saca magquera
mengán salampune lupa neng bitasa.

Detang sablang Dama tu la ra sabian pa
sasagacgac langán ala ping cabasda
Sultan á sisilip anti mu rin queta
queang pamangaili é na apibata.

Iniang mapagal ne y Abu qñg terac
itang susulud na pauang mengagabac
acu é cu Sultan queang gugulisac
nun é mamulang cu á queco macarap.

Migagaliguit ya ampon lucsulucsu't
macapanğisnğis pa daig ne ing songu
ing pamangaili ra lacuas mecagulu
ing inge sabian pa qñg real Palacio

Sultan á sisilip é na apibata
qñg selicuta'na bigla ping linual ya
queang pangaili é mipangisnaua
titimid neng atian sayasayucut ya.

Mayap na, mayap na, gagcas nang masican
ing pamapacaili locung Abu-Hasan
ini nang tula cu é cu apiguilan
ati'ne mangasias ining cacung atian.

Qñg dimdam nang ita y Abu ticnang na
ing quea babaua! linaue ne queta
ya ing Mercader aquilala na ya
lacuas nang digdagan ing pamanerac na.

Me'ca queni nğana cacung caluguran
at magum ca queni canining teracan
ali ing binte na ning Mercader naman
at acu ing tune panginuan yung Sultan.

Canitang dimdam na ala neng agaua
ita ning teterac tambing menimutla
qñg arap ning Sultan siniclod yang bigla
migmatunud ne pin at mengayupapa

Patauad ca sa pu, patauad ca sana
matas mung upaya é cu aquilala
canacung binalac ing Mercader ica
ica pa la guinu ing Sultan monarca.

Niti nan mong Sultan tiniclo neng agad
y Abung siniclod quetang queang arap
itang mitacutan quinaul neng mayap
nġaning pigsulit na at quea na guingcas.

Tune pin at acu ing matas á Sultan
pun dang tutuquian ding sablang musulman
dapot at acu pin quecang cáluguran
at acu qñg queca lubus pacamalan.

At ing causta'na ning queca lugud cu
itang sablang biru nġeni ablasan cu
é ca caculanġan queti qñg Palacio
qñg aguiang nanu man á pamayapan mu.

Ipacasal da ca cang *Tola* cung Dama
á Nuzhat ing tune á laguiu't bansag na
pablasang ica rin ing quea malsinta
ica naman canu tutung buri na ca.

Qñg tulang quimta'na niting Abu-Hasan
biglang mipasielod qñg arap ning Sultan
jalus ing asbuc na ali ya mabungcal
pamasalamat na é macanian-canian.

Queti ne tiniclo ning budñing Monarca
at itang y Nuzhat pepayaus na ya
pitala'no gamat at nġana carela
cacung paintulut cásal na cong adua.

At magmula n̄geni é co caculang̃an
 caretang salapi nanumang pigastan
 q̄ng Tesorero cu quea yu no cuanan
 mesabing salapi aguiang magcanu man.

Ing Sultanang mal laguiu na Zobeida
 yang pepayaus na ning budñing Monarca
 at itang y Abu paquilala na ya
 pablasang mluat nang buri yang aquit na.

Y Zobeida naman cang Abu linugud
 uling ing añu na mababa ya lub
 lalu na inia ping quea nang atalus
 q̄ng Damang y Nuzhat malsinta yang lubus.

Inia queting Abu agad nang sinabi
 macamal nang Dama ing dina'neng dote
 libu la ping onza ding quea na ibie
 bucud q̄ng imalan dactal á brillante.

Iti nan mong Sultan n̄ganang tinambayan
 ica Abu-Hasan dinan da ca naman
 libu la ring onza ding quecang tangapan
 caibat yung quinasal niyang Damang mal.

Deta ning ninabang q̄ng mayap á palad
 á y Abu-Hasan at Damang y Nuzhat
 q̄ng Sulta't Sultana n̄gara mo salamat
 quetang pepaquit dang maragul á ling̃ap.

Queti ra no quesal pangacabucasan
 sabian pa ing saya q̄ng Palacio real
 maragul ing adia pablasang ing Sultan
 yang memajala q̄ng sabla-sabla n̄gan.

Lasa aldo aldo deting miasaua
ita ning canauan yang agauian da
ala lang patugut qñg pamanugse ra
qñg pamanugul da caretang cualta ra.

Agua mang bátis la ding carelang pilac
qñg bague itinan pilot yang milimas
qñg pamisaup da ding miasauang liag
qñg laut ning tula meguisan lang agad.

Iniang deting adua ing aldo dinatang
meguisan la dote é ra camalayan
saca mibalut la qñg dactal á utang
at ala na lang sucat mang piacuanan.

Migdala lang dine deting miasaua
nung aganaca ra ing pangabili ra
nung migtipid no man é ra apibata
uling megau la qñg pamagtamasa.

Qñg bili rang itang casaquitsaquitan
maragu'la dine maniabi qñg Sultan
pota asabi nang lubus dong sinayang
ding doteng tingap dang maguing cayatinan.

Bigung Abu-Hasan yang isipa'na
mayap á paralan qñg pangaligtas da
pisasaupan da na deting miasaua
dapot binalac dang alang carasa'na.

Mapilan mung aldo queang aisipan
niting macasaguid á y Abu-Hasan
ing pilaita'na ya ing matas á Sultan
qñg ba'lang miligtas quetang casaquitan.

Inia malagua neng inaus nang agad
itang asaua na á Damang y Nuzhat
ining ipagsulit nun uari at sucat
ing gauan qñg Sultan á cacung binalac.

Nğana ó bandi cu cacung aisipan
ing matas á Sultan cacu yang lalanğan
ica magburul cang magmatematayan
at tune cang mete ing quea cu sabian.

At baluan tana pin itang ugali na
ing matas á Sultan mapamacalulu ya
cabud cu panurup tambing lang yambag na
qñg pangacutcut mu ding dactal á onza.

Ica na ing bala binte nang amanu
nğaning asaua na binang tatacut cu
quemua'na ca galang ning monarcang guinu
nung ing bague á iti queang apagsinu.

Qñg bague yan ali ca tumacut
acu na ing bala asaua cung irug
ali na icamua nun quecang asubuc
ugali ning Sultan canacu nang talus.

Penusiga'na ne ning Damang y Nuzhat
tambing yang migquera at migburul agad
mapepenandit mu migsundu't minarap
qñg Sultan y Abu sangcan ya mong quiquiac

Iquit ne ning Sultan inagad quitang na
quecang pamangiac nanu tang sangca'na
at y Abu naman nğinulanğul na ya,
saca na pigmulan ing tagulele na

Macalunus-lunus ó matas á Sultan
cabud nia pu mete asaua cung irang
anti rang penaco bie nang ingatan
é ne mangisnaua cacung aguisingan.

Ding mata ning Sultan inagad lang miglua
lunus na cang Abu darala'nang lugma
at ngeni nanu sang sucut mung agaua
ali na misubli bie nang meuala.

Inia ing mebalu queang pamatulan
ing sablang iti nan quecang piuculan
ala nang maliari aguiang quia'ca man
bie't camatayan qng banua ibat ngen.

Saca ne inaus itang Tesorero
agad nang inutus dina'ne y Abu
á libu ping onza ila ding ibie mu
á gaua'nang sáput quetang mal á tau.

Iniang ding salapi quea nong tangapan
itaning maglua meco neng agaran
at iniang datang ne queang tutucnangan
tambing neng tiniclo asaua nang irang.

Alben mu na ngena asaua cung sinta
dening darala cu libu la ping onza
ban deting salapi miragdagan la pa
qng canacung utus manusigca sana.

Qng budning Sultana carin cao marap
gulkan me yang buac mu at saca ca quiao
ngamu ing metene asaua mung liag
iniang miguising ca queca yang amalas.

Menusig ya mu rin at linacad biglan
ing Damang y Nuzhat queang inutusan
malaguang minarap qñg Sultanang mal
managulele ya ampon mañambitan.

Ing cacung asaua Sultanang maraṅgal
mete nia pu cabud cacung aguisiṅgan
quea mecamate é cu balung sangcan
macalunuslunus ya asaua cung irang

Qñg pisiag nang ita Sultana misdan ya
qñg dagul ning lunus tinulung lua na
Damang sira palad ó Nuzhat cu nḡana
quecaong pibatan ing batbat ning banua.

Quecang piuculan qñg sarili mung lub
paṅgapajamac na asaua mung irug
bie't camatayan atiu nḡan qñg Dios
ing sablang buria'na lubus nḡan masunud.

Iniang mayari na queang pamanáral
agad neng inaus ning Sultanang mal
ing Tesorera na at penabilinan
ding libu ping onza cang Nuzhat no ibie.

Inia ping y Nuzhat quea na lang tingap
detang libung onza meco neng inagad
migmilagaua ya anti ya mong quiquiae
bagu matula ya ampon sasagacgac.

Quetang tucnaṅgan da iniaping miras ya
detang libung onza pacalacesing na la
ing pasbul qñg dalan pecalapat na ya
anti yang mamulang teracterac ya pa.

Sabi ilipat cu qñg matas á Sultan
quea nğan liniban ing nasa nang daptan
pablasang qñg iya maragul ya lumbe
uli na ping Abu biglang pangamate.

Agad nang minarap quetang asaua na
ba'nang ibalita miliaring talaga
inia malumbe ya ita ning lupa na
at tinulung pilit lua na qñg mata.

Nğana ing pusu cu ing queang quiquiac
ing biglang miliari queang quepajamac
acu man nğana mo qñg Sultanang pisiag
quetang bigung mete maragul ing sindac.

Bina ya ping mayap qñg pamaquiabe na
ing suyu na cacu ampon aliua pa
iti pin ing sangcan sinta cung asaua
á itatangis da ding adua cung mata.

Binte na ning Sultan cacu anti naman
itang bigung mete sayang ya at sayang
nung ing queang bie maliaring saliu
anguang magcanupa canacung bayaran.

Acu man uğana mo ning budñing Sultana
anguang ding pilac cu pauang maguisan la
nú cu panintunan ampon atuelas pa
ing lub á masampat cacu pepaquit na.

Qñg miliaring iti pequibat ning Sultan
nanu mang daptan ta é ne mie miuman
ba'yang é malungcut ing catutung irang
caibat ning paldas na pasibayung cásal.

Nġana ning Sultana ġnanu ing pisiag mo
miuman meng pacasal ing quecang catuto?
ġé mete y Abu é uari mebalo
ita ning y Nuzhat mayap á Dama co?

Meili ya ing Sultan qġng queang selita
migcamali cao asaua cung mutia
ing Dama mung Nuzhat yang mete bigla
at ali y Abu qġng quecang acala.

Binte ning Sultana anting micalatang
y Abu yang mete é mu cu tutucsuan
aliua ya nġana pequibat ning Sultan
ing Damang y Nuzhat yang banque nġeninan.

Mababalatung ca nġana ning Sultana
ibat ya pa queti y Nuzhat cung Dama
libu lapang onza ding binie cu quea
á maguing ambag cu canitang saput na.

Icang mebalatung pequibat ning Sultan
pablasang y Abu cacu yang dininan
libu la ping onza pauang tingap no nġan
nandin pa mung ditac é pa melambat man.

Nandin mu rin naman binte ning Sultana
cacu yang quesabi y Nuzhat cung Dama
icang migcamali matas á Monarca
at baquet uari sa mulanġan mu cu pa.

Ali cacung irug pequibat ning Sultan
é naca tututul tiu quecang camalian
alicu nġana pin ning Sultana naman
tune cang balatung asaua cung mal.

Qñg bague á iti ing Sulta't Sultana
é la mipalábas qñg pamaniabi ra
qñg mua ning Sultana melutu ya lupa
at ing Sultan naman binang matula ya.

Ngana ning Sultana é ca maguinaquit
uli mong Sultan ca ali ca madaig
ba'lang aisip mu yang queang matulid
aguiang ing balac mu binang macapildis.

Qñg guingcas nang iti biglang menamdaman
qñg dagul ning mua na anti ya mong timban
nun é na apiguil queang peparusan
itang migcamaling é na melangalang.

Agad neng inaus y Mesrur ning Sultan
at y Abu-Hasan quea yang siasatan
qñg ba'lang abalu't abitasang tune
caring aduang deta nung ninu ing mete.

Iting miutusan agad linacad ya
ing bale nang Abu yang pigsaria'na
macarayu ya pa biglang iquit da ya
deting mapamirung aduang miasaua.

Qñg pasbul y Abu linual yang inagad
at migburul neman asaua nang Nuzhat
antia mong mebalu saca quiac quiac
inia iting Mesrur tambing yang mesindac

Penarala'ne pa itang Abu-Hasan.
subiang ning pusu na é na panusigan
pablasang itamu pauang mate ta ngan
pangaras ning gulis nung ing horas datang.

Pegumasda'na ya itang macaburul
niting miutusan á ipus á Mesrur
iniang asiasat ne minuli ne layun
ba'nang ibalita qñg Sultan nang pun.

Iniang miarap ne qñg Sultan monarca
queang pemalita ing mete pu nğana
aliua y Abu nun é pu ing Dama
itang macaburul tune iquit cu ya.

Mimua yang Sultana quetang queang bingcal
taung alang puri ampon pang malaram
yang tune mete itang Abu-Hasan
é mu na ipilit é ing Damang irang.

Mesrur tinutul na qñg budñing Sultana
ing macaburul pu ing quecayung Dama
Sultana quillo na aliua ya nğana
misapacat cayu ning quecang Monarca.

Qñg mua ning Sultana inaus ne ping agad
itang Sisiua na qñg ba'neng pasiasat
nğeni mu na aquit ampon atalastas
nun é ya pin mabie ing Damang y Nuzhat.

Mesabing Sisiua biglang linacad ya
tinupad qñg utus ning budñing Sultana
macarayu ya pa agad iquit da ya
detang mapamirung á aduang miasaua

Itinan mong Abu migburul agaran
linual ya qñg pasbul itang Dama naman
lupa na malungcut mata na panluan
qñg pangamate ning asaua nang irang.

Inia ping aquit ne nita ning Sisiua
inagad neng quitang sinta nang asaua
tayu macaburul binte na ning Dama
bucas pang̃a-abac ing pang̃acutcut na.

Dimdam ning Sisiua meconeng alimit
at ibalita na q̃ng Sultanang lauit
iniang marap na ya ng̃ana ping migsulit
y Nuzhat mabie ya canacu yang iquit.

Ing guingcas nang Mesrur yan calaraman
ing budñing Sultana quecang mumulañan
Sisiua mimua ya tinutul yang biglan
ica ing mamulang lupang buldit curan.

Aguiang matuling cu é na cuman bruja
á antimo icang binang malabit pa
q̃ng guingcas nang iti biglang liesua'na ya
tambing neng guinamus q̃ng lele nang mata.

Q̃ng bigung megamus dimdam na ing saquit
canitang Sisiua munlas ya sang pilit
iti nan ping Sultan ng̃ana mong migsulit
ali co misascal ampon mipamuañit.

At saca na guingcas q̃ng Sultanang mal
q̃ng ba'tang abalu ing camatutuanan
detang miasaua quecata lang ayan
Ua ing binte na ning Sultana naman.

Bale rang tucnañan migsundu lang agad
deta ning mitatua á miasauang liag
macarayu la pa iquit do't amalas
deting aduang pusung at mapamirayat.

Agad lang migburul deting miasaua
bielat de ng pasbul at licuan talaga
inia ping milub la ing Sulta't Sultana
pareju lang misdan canitang iquit da.

Deti ing queraclan nãana mo ning Sultan
qñg cacung pamalac ing mete lang miagnan
galang minuna ya ing Dama mung irang
saca ya tinuqui iting Abu-Hasan.

Binte ning Sultana é macanian nãana
iting Abu-Hasan yang mete minuna
qñg sucacung ning lub na niang mal cung Dama
mete ya mu naman at tinuqui quea.

Marayung marapat yang quecang bingcal
at é pin maliari pequibat ning Sultan
ing minunang mete y Nuzhat mung irang
at tinuqui nia mu yang Abu-Hasan.

Ing budñing Sultana mimua ne ping tiquis
pablasang ing Sultan é bisang paraig
nãanang mengãmanu é mu na pipilit
agua mang baluctut ing quecang matulid.

Ica, at ica pin pequibat ning Sultan
quecang ipipilit ing é catuliran
at nun é mu sana ing queca pacamal
queang catauan mu atina cang dimdam.

Detang maquiramdam aduang miasaua
qñg mua ning Sultan binang tinacut la
bigla lang tinicdo qñg pangãburul da
at saca la miagnan migsulit carela.

Uculan dang mete agad lang siniclod
qñg arap ning Sulta't asaua nang irug
sacara inauad ampon piñiclaud
ilang miasaua ing tauad dang lubus.

Selita ra na pin itang casaquitan
sabra rang pibata panaun dinalan
inia inucul dang migmatematayan
ba'lang micacualta't micapagcabiayan

Canitang miliari ing Sulta't Sultana
meili na la mu careta ning adua
inia ing depat da pepatawad da la
binie rang salapi't digdaganan do pa.

Detang miasaua ali no quinulang
caba ning bie ra é no misaquitan
ning Damang y Nuzhat ampon Abu-Hasan
anga qñg mepupus ing bie rang ingatan.

Bie nang queralanan dinan cu neng uacas
niting Abu-Hasan qñg quimta'nang palad
bansag *Macaguising á lubus maninap*
miliari nang malí icayu nang ganap.

UACAS.